



Program Perkampungan Ilmu Bimbing 50 Pelajar SPM



Peserta Program Perkampungan Ilmu (PPI) anjuran Kolej 16 dengan kerjasama Bahagian Hal Ehwal Pelajar (BHEP) UPM.

SERDANG, 9 Mei - Program Perkampungan Ilmu anjuran Kolej Ke-16 membimbing 50 pelajar Tingkatan 4 dan 5 untuk meningkatkan tahap penguasaan kemahiran kepimpinan pelajar.

Ahli Dewan Undangan Negeri Puchong Dato' Dr. Mohamad Satim Diman berkata program itu mendedahkan suasana pembelajaran di kampus bagi mendorong pelajar sekolah terbabit untuk menjejakkan kaki di universiti.

"Program ini dapat membantu pelajar mengenal pasti bidang pengkhususan yang ingin diceburi selepas tamat persekolahan di peringkat menengah," katanya pada majlis perasmian penutup program Perkampungan Ilmu.



Ahli Dewan Undangan Negeri Puchong Dato' Dr. Mohamad Satim Diman ketika member ucapan di Kolej 16.

Pengetua Kolej Enam Belas, Tengku Hanidza Tengku Ismail berkata program itu memberi peluang kepada pelajar untuk merasai kehidupan sebenar sebagai seorang penuntut universiti.

"Program yang dikendalikan oleh pelajar-pelajar kolej ini membina kemahiran insaniah untuk melahirkan pelajar yang cemerlang," katanya.

Program itu dianjurkan oleh Biro Akademik, Majlis Tertinggi Mahasiswa dan Pihak Pengurusan Kolej Enam Belas dengan kerjasama Bahagian Hal Ehwal Pelajar (BHEP) dari 7 hingga 9 Mei lalu dan bersama pelajar dari Sek. Men. Keb. Dang Anum.



Dato' Dr. Mohamad Satim Diman (kiri) menyampaikan hadiah kepada salah seorang peserta program sambil diperhatikan oleh Pengetua Kolej Enam Belas, Tengku Hanidza Tengku Ismail (kanan sekali).

Antara aktiviti yang dijalankan dalam program itu ialah pemantapan sendiri (Ekspo Kampus), sukaneka dan pemantapan kumpulan.

Pengetua sekolah, Masnah Md Nor mencadangkan program itu harus diteruskan setiap tahun bagi memberi peluang kepada lebih ramai pelajar lain menyertainya.

"Kami menghantar pelajar yang mendapat 6A ke atas dalam peperiksaan PMR untuk menyertai program ini," katanya.

Peserta program, Vickneshwary Rajandran berpendapat program itu memberi inspirasi kepadanya untuk melanjutkan pengajian ke universiti hadapan sementara teknik-teknik pelajaran yang diberi amat bermanfaat untuk persediaan awal peperiksaan.

"Peluang yang diberikan pada saya untuk bercakap di hadapan orang ramai menyebabkan saya lebih berkeyakinan untuk berucap pada masa akan datang," katanya.

Berita ini disediakan oleh Seksyen Media, Bahagian Komunikasi Korporat UPM. (Parimala Subramani 'wartawan pelatih' 03-89466014).